

四庫全書

集部

欽定四庫全書

集部

元詩選初集卷五十七

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣王同獻

欽定四庫全書

元詩選初集卷五十七

庶吉士顧嗣立編

張昱廬陵集

昱字光弼廬陵人少事虞文靖公集得詩法焉  
又為張潞公翥所知左丞楊完者鎮江浙用才  
畧參謀軍府事遷左右司員外郎行樞密院判  
官左丞死棄官不出張士誠禮致之不屈策其  
必敗題蕉葉以寓志與周伯溫楊廉夫輩交游

最相得張氏亡明太祖徵至京師閔其老曰可  
間矣厚賜遣還因自號可間老人徜徉西湖山  
水間年八十三卒其生平所作散亡已多楊文  
貞公士奇搜得其遺稿為之序曰虞文靖才高  
識廣其詩浩博而不肆變化而不窮而一宿于  
正先生之詩氣宇閑壯節制老成而從容雅則  
稱其所傳元季用兵藩府僚屬多侵官怙勢惟  
光弼以詩酒自娛超然物表退居西湖之壽安

坊貧無以葺廬凌彥翀為疏募焉酒間為瞿宗  
吉誦歌風臺詩以界尺擊案淵淵作金石聲笑  
曰我死埋骨湖上題曰詩人張員外墓足矣坊  
本選列朝詩集次光弼于廩夫之後皆以元官  
終其身者也

行路難

鴻鴈及秋來玄鳥先社去俱生亭毒內羽翼乃不遇翔  
者不知水流者不知山世事每如此人生行路難

少年行

看取木槿花朝榮夕已萎  
芳容有彫謝臙澤何所施  
壽命如可長仙人今何之  
高堂有歌舞及此少年時

美女篇

燕趙有美女紅蓮映綠荷  
珮環彫夜玉團扇畫春羅  
流盼星光動曳裾雲氣多  
回車南陌上誰不駐鳴珂

晚春辭

暄風日夜起春到亦已久  
清晨卷簾坐惆悵閨中婦  
憑

關暗垂淚對花嬾擡手昨宵夢夫婿白馬章臺走結成  
合歡帶自置妾懷袖覺來風張幔啼鳥在高柳空織迴  
文錦佳期竟何有

上巳日杭州府學教授徐一夔四齋訓導拉遊智  
果寺訪東坡題參寥泉

佳遊在上巳屬此清明前春景已云宴風光猶未暄往  
尋智果寺竟得參寥泉雲物豈殊昔人世自更遷邈哉  
長公詠高吟憶當年我輩復登臨花界何因緣古佛儼

香閣真詮積華軒境超萬念空道勝諸妄捐緬懷此會  
難徘徊未云還申章續芳藻冀或來者傳

妙高院大方屋上人

碧岑日在望雨雪阻登臨二客從事者扶藜長松陰綠  
雲及上方步履皆黃金佛香出寶閣一息契初心心如  
白蓮花塵垢何由侵攢眉入社後此會還可尋廬山得  
遠公法侶滿東林虎溪偶然事傳笑直至今我輩仍避  
俗屋師誠可欽



舟行即事

舟行如虛空上下天光裏中宵撤前幔  
銀星在清泚天河橫未落北斗當面指  
涼風波上來吹皺青天綺蘆洲集夜禽  
聒聒鳴不已惡聲雖擾眠清景則可喜  
却思車馬塵此時動城市

唐太宗駿馬圖

昭陵石刻今無有絹素乃能存不朽  
當時奇骨濟時艱駕馭盡入天人手  
隋家再世俱凡庸不知肘腋生英雄

晉陽奮起六駿馬蹴蹋大海波濤紅帝王一出萬邦定  
干戈四指羣小空凌煙勳臣盡圖畫一旦肯遺汗血功  
嗚呼何從得此樣規模却與石刻同乃知帝王所馭是  
龍種豈可求之凡馬中唐家開基三百載展卷尚覺來  
英風

張建封擊球圖

唐家風流尚球馬中外靡然為之化徐州節度張建封  
坐領東藩示閒暇長簫短吹行相隨以此慢遊為日夜

玉山滿馬醉扶歸正及樓頭望春罷孔雀屏圍次第開  
黃金買得春無價不教白日向西馳只許黃河向東瀉  
使君死後誰登臨燕子不來風雨深綠珠甘守珊瑚樹  
文君獨宿鴛鴦衾當其意氣傾朝野肯信人無百年者  
萬言猶在從事書一幅空遺後人畫

### 五王行春圖

開元天子達四聰羽旄管籥行相從當時從駕驪山者  
宰相猶是璟與崇華萼樓中雲氣裏兄弟同眠復同起

玉環一旦入深宮大枕長衾冷如水興慶池頭花樹邊  
梨園小部俱嬋娟楊家姊妹夜遊處銀燭萬條生紫煙  
寧知樂極哀方始羯鼓未終鼙鼓起褒斜西幸雨淋鈴  
回首長安幾千里

白翎雀歌

烏桓城下白翎雀雄鳴雌隨求飲啄有時決起天上飛  
告訴生來羽毛弱西河伶人火倪赤能以絲聲代禽臆  
象牙指撥十三絃宛轉繁音哀且急女真處子舞進觴

團衫繫帶分兩傍玉纖

一作質

羅袖拓枝體要與崔聲相

頡頏朝彈暮彈白翎雀貴人聽之以為樂變化春光指  
顧間萬蕊千花動絃索只今蕭條河水邊宮庭毀盡沙  
依然傷哉不聞白翎雀但見落日生寒煙

題玉朋梅畧畫大都池館圖樣

元朝人

國初以來好時節冶綠妖紅葢阡陌樂遊盡是勲貴家  
人鬧馬嘶聽不得細漆闌干輦子車同載女子如薜花  
車中馬上日相許蝴蝶夢滿東西家牡丹臺畔夜如晝

花照銀鐙大於斗正月飲到三月中樂地歡天古無有  
一朝花謝春復歸門鎖池園空綠苔簾前塵覆珊瑚樹  
案上蝶棲鸚鵡杯豪華盡逐東流往百年丹青化草莽  
當時命酒徵歌人此日題詩畫圖上

織錦詞

行家織錦成染別牡丹花紅杏花白作雙紫燕對銜春  
一尺錦成過半月持來畫堂捲復開佳人細意為翦裁  
銀鐙連夜照針黹平明設宴章華臺為君著衣舞垂手

看得風光滿楊柳蝶使蜂媒無定棲萬蕊千花動衣袖  
回回舞罷換新衣新衣未縫錦下機憐新棄舊人所悲  
百年歡樂無一作惟片時

蓮塘曲

青蘋風起柳塘水波聲夜聒鴛鴦睡一點芳心不自持  
露荷又作瑤珠碎藕絲織錦香滿機裁成衣裳將遺誰  
只愁賤妾夢魂短不恨蕩子歸來遲花間鷓鴣依芳草  
等閒綠遍邯鄲道還應憶念蕩舟人滿架芙蓉鏡中老

過歌風臺

世間快意寧有此亭長還鄉作天子沛宮不樂復何為  
諸母父兄知舊事酒酣起舞和兒歌眼中盡是漢山河  
韓彭受誅黥布戮且喜壯士今無多縱酒極歡留十日  
感慨傷懷涕沾臆萬乘旌旗不自尊魂魄猶為故鄉惜  
從來樂極自生哀泗水東流不再回萬歲千秋誰不念  
古之帝王安在哉莓苔石刻今如許幾度秋風灞陵雨  
漢家社稷四百年荒臺猶是開基處

豐宗吉云豪邁  
跌宕雅興題稱



題華光梅

墨梅之作盛衡湘始作俑者唯華光此僧平生十萬紙  
筆力所到花為香是誰好事憐清苦三二百年存絹素  
和靖多情縱有詩廣平得意還能賦東坡先生昔倅杭  
萬松嶺見一枝長我今見畫如昨夢都在君家白玉堂

學仙曲

二八女人貌嬋娟杏花陰裏競鞦韆同心錦帶刺石蓮  
逢人學縛剪刀錢却妒鴛鴦沙上眠

古辭

歡樂自歡樂苦辛長苦辛城中十萬戶誰是種田人

水殿納涼圖

別殿紅綃女無風亦自涼闌邊是湖水夜夜宿鴛鴦

七夕

乞與人間巧全憑此夜秋如何鍼線月容易下西樓

別劉博士

祇為情如雨從教醉似泥免看楊柳色相送出城西

銅雀臺

自古誰無死英雄豈不知望陵歌舞歇還有夢來時

峽川

石與青天近浮雲向客低自然堪下淚不是有猿啼

題揚州左史臣畫扇

后土祠前路金鞍憶舊遊春風雙燕子渾似在揚州

隣牆梅花

臘後春纔到寒香襲素袍梅花如有意不在粉牆高

問梅

一種隴頭樹東風都合吹  
未應造物者偏在向南枝

別故人

未別欲千言臨別無一語  
惟此舊時心隨君渡江去

白頭翁

疎蔓短於蓬卑棲怯晚風  
祇緣頭白蚤無處入芳叢

題宋子障太守畫

老樹含青雨平林澹白煙  
隔溪茅屋在好泊米家船

訪舊三竺次泐禪師離興韻

酒館湖船盡有名  
玉杯時得肆閒情  
至今人說張員外  
不是看花不出城

題明皇擊毬圖

管籥聲隨萬乘遊  
開元毬馬最風流  
九齡老去無人諫  
不破中原不肯休

小遊仙次韻四首

漢武求仙未絕情  
枉將心力事金莖  
靈王太子因無欲



吹得琅玕作鳳鳴

桂閣金銀不甚高  
仙山幾許隔波濤  
信回青鳥無尋處  
一色春風是絳桃

小娃莫說臉如蓮  
自牧羊龍向葑田  
笑指青泠橋下水  
此中元是碧瑤天

青蛇昨夜付書回  
只許麻姑自坼開  
說道蓬萊山下路  
莫因清淺不歸來

題鸚鵡士女圖

美人應自惜年華庭院沈沈鎖暮霞

一作長門幾日斷  
羊車閒得工夫坐

斜日

只有舊時鸚鵡見春衫曾似石榴花

### 過泖湖

泖湖有路接天津萬頃銀花小浪勻  
安得滿船都是酒船中更載浣紗人

### 題吳綠鸞寫韻圖

小點紅鸞欲下遲遠山渾似畫來眉  
如何一念人間事上界仙曹便得知

同徐大章溪上看芙蓉

日莫歸來雨濕衣  
涼風千樹綠雲飛  
渚宮只在秋江上  
何事襄王夢到稀

荷花詞次韻周伯溫參政

一種西湖與若邪  
鴛鴦宿處便為家  
秋房結得新蓮子  
便是當時藕上花

柳枝詞二首

尊前不棄小腰身  
爭欲攬先上舞茵  
多謝東風好擡舉



盡情分付畫眉人

春光領略不勝嬌  
搖蕩東風千萬條  
悔盡江州白司馬  
一生空詠小蠻腰

唐天寶宮詞八首

壽王妃子在青春  
賜與黃冠號太真  
不是白頭高力士  
翠華那得遠蒙塵

興慶池頭芍藥開  
貴妃步輦看花來  
可憐三首清平調  
不博西涼酒一杯

清源小殿合涼州羯鼓琵琶響未休為是阿瞞供樂籍  
八姨多費錦纏頭

昇上兒綳滿翠容黃裙高髻一叢叢君王入內聞歡笑  
賜與金錢滿六宮

四海承平倦萬機只將彩戲悅真妃不平最是彈雙陸  
骰子公然得賜緋

小部梨園出教坊曲名新賜荔枝香霓裳按舞長生殿  
擊碎梧桐夜未央

香囊遺下佛堂階  
不使君王不愴懷  
想著當年雪衣女  
羽衣猶得苑中埋

天寶年中寵賈昌  
黃衫年少滿雞坊  
絳冠鬪罷羅纏項  
又得君王笑一場

覺來

好風吹雨覺來遲  
開遍荼蘼總不知  
團扇晚涼人似玉  
也須消瘦莫春時

春光

湖上偏多楊柳風  
桃花吹盡雨前紅  
等閒却被東君笑  
大半春光在醉中

柳花詞二首

欄馬牆西欲莫春  
花飛不復過中旬  
倚天樓閣晴光裏  
爭撲珠簾不避人

滿院長條散綠陰  
誰家門戶碧沈沈  
地衣不許重簾隔  
雪白花鋪一寸深

輦下曲一百二首

并序

錄四十

豈備員宣政院判官以僧省事簡搜索舊文稿於  
囊中曩在京師時有所聞見輒賦詩有宮中詞塞  
上謠共若干首合而目之曰輦下曲其據事直書  
辭句鄙近雖不足以上繼風雅然一代之典禮存  
焉

五垓千陛立朝廷檻首銅鵬一丈翎不待來儀威鳳至  
日聞韶籥在青冥

州橋拜伏兩珉龍向下天潢一派通四海仰瞻天子氣

日行黃道貫當中

東樓緋服唱雞人擊到朱簾第幾聲  
楠寢奉常先告備  
駕行三叩紫鞘鳴

國威未朝總盛容  
左班翹鷗右王封  
功臣帶礪河山誓  
萬歲千秋樂未終

三司侍宴皇情洽  
對御吹螺大禮終  
寶扇合鞘催放仗  
馬蹄哄散萬花中

只孫官樣青紅錦  
裏肚圓文寶相珠  
羽仗執金班控鶴

千人魚貫振嵩呼

西天法曲曼聲長  
瓔珞垂衣稱豔妝  
大宴殿中歌舞上  
華嚴海會慶君王

竹扛金鑄百尋餘  
頂版高鐫梵國書  
禁得下方雷與電  
聲光不敢近皇居

墀左朱闌草滿叢  
世皇封植意尤濃  
艱難大業從茲起  
莫忘龍沙汗血功

國初海運自朱張  
百萬樓船渡大洋  
有訓不教忘險阻

御厨先飯進黃粱

遼東羞貢入神厨祭鮪專車一大魚寢廟歲行春薦禮

有加鉶豆雜鮮胍

禽鳥之肉

當年大駕幸灤京象背前馱幄殿行國老手鑪先引導

白頭聯騎出都城

請號關牌超鼓閣弓刀千騎領兵符例差右姓巡倉庫

哄唱穹廬賜大酺

祖宗詐馬宴灤都捐酒噶噶載愁車向晚大安高閣上



紅竿雉帚埽珍珠

駝裝序入日精門銅鼓牙旗作隊喧一聽巡階鈴鉞振  
滿宮俱喜出迎恩

華纓孔帽諸番隊前導伶官戲竹高白傘歲筵避馳道  
帝師輦下進葡萄

守內番僧日念叫御厨酒肉按時供組鈴扇鼓諸天樂  
知在龍宮第幾重

御前親拜中書令恩賜東宮設內筵手署勅黃唯一道

任誰祇受付雙遷

雞人唱罷內門開  
千騎前頭丞相來  
衛士金瓜雙引導  
百司擁醉早朝回

端本堂深繡榻高  
滿前學士盡風騷  
星河騎士知唯馬  
慣識金牋玉兔毫

儒臣奉詔修三史  
丞相銜兼領總裁  
卒士院官傳賜宴  
黃羊桐酒滿車來

文明天子念孤寒  
科舉人材兩膀寬  
別殿下簾親策試

唱名纔了便除官

鑪香夾道湧祥風  
梵輦遊城女樂從  
望拜綵樓呼萬歲  
柘黃袍在半天中

對朋角飲自相招  
黃鼠生燒入地椒  
馬湏飲輪金鐸刺  
頂寧割髮不相饒

柳林密遣弄臣回  
封印黃金盒一枚  
天語直將西內去  
便教知是草芽來

直教海子望蓬萊  
青雀傳言日幾回  
為造龍舟載天姆

院家催造畫圖來

西方舞女即天人  
玉手曇花滿把青  
舞唱天魔供奉曲  
君王長在月宮聽

鴨綠江波勝鴨頭  
魚龍變化滿中州  
分來一派天潢水  
到得烏桓便不流

昭君遺下漢琵琶  
抱軫誰彈狼狽獲  
沙春色不關青塚上  
只今芳草滿天涯

西番僧果依時供  
小籠黃旗帶露裝  
滿馬塵沙兼日夜

平坡紅豔露猶香

園殿儀天十六楹  
向前黃道不教行  
帳房左右懸弓角  
盡是君王宿衛兵

棕毛四面擁龍牀  
殿角涼生紫霧香  
上位勵精求治切  
不曾朝退不擡湯

閒家日逐小公侯  
藍棒相隨覓打毬  
向晚醉嫌歸路遠  
金鞭相過御街頭

鬪鶴初罷草初黃  
錦袋牙牌日自將  
鬧市閒坊尋搭對

紅塵走殺少年狂

教坊女樂順時秀豈獨歌傳天下名  
意態由來看不足  
揭簾半面已傾城

似將慧日破愚昏  
向日如膏下  
釣軒男女傾城求受戒  
法中祕密不能言

肩垂綠髮事康禪  
淡掃蛾眉自可憐  
出入內門裝飾盛  
滿宮爭逐女神仙

壁衣面面紫貂為  
更繞腰闌挂虎皮  
大雪外頭深一尺

殿中風力豈曾知

天朝習俗樂從禽為按名鷹出柳陰立馬萬夫齊指望  
半空鷺影雪沈沈

欄馬牆臨海子邊紅葵高柳碧參天過人不敢論量數  
雨露相將近百年

宮中詞二十一首

并序

錄十二

宮中詞唯唐陝西司馬王建一百首為得體蓋從內  
臣出入宮闈所賦俱實見其事厥後蜀主花蕊夫人

效其體賦詩一百首亦其身親見之宋王安國校官  
書見其本序而置之內閣元初奉天楊奐錄宋宮人  
語五言詩十八首頗得其情足次二家後大抵宮中  
詞論富有天下貴為天子不可以文工拙稱必非想  
像必親見皆非閭巷之士可擬而賦者後學廬陵張  
昱光弼誌

裏頭保母性溫存不敢移身出後門尋得描金龍鳳紙  
學摹國字教皇孫



頒賜三宮端午節金絲纏扇繡紅紗謝恩都作男兒跪  
拜起深深鵲尾斜

內人哄動各盈腮談自西宮撒雪回報與內司當有宴  
羊車今晚蚤將來

宮衣新尚高麗樣方領過腰半臂裁連夜內家爭借看  
為曾著過御前來

和好風光四月天百花飛盡感流年宮中無以消長日  
自擘龍頭十二絃

鴛鴦鵝鴨滿池嬌綵繡金茸日幾條早晚君王天壽節  
要將著御大明朝

宮羅支請銀霜褐徹夜房中自翦裁明日看花西內去  
牡丹臺畔木瓜開

延華閣下日如年除是當番到御前尋出塗金香墜子  
安排衣線撚春綿

頻把香羅拭汗腮絲雲背綰未曾開相扶相曳還宮去  
笑說秋千架下來

上苑新波小海分  
綠香溢岸好湔裙  
故將禁指監官見  
放出天河洗綵雲

填金臂失戲分明  
贏得珍珠三兩升  
便去房中還賭賽  
黃封銀榼酒如澠

從行火者笑相招  
步輦相將過釣橋  
鹿頂殿開天樂動  
西宮今日賽花朝

塞上謠八首

蘇六

玉貌當壚坐酒坊  
黃金飲器索人嘗  
胡奴疊騎唱歌去

不管柳花飛過牆

潸然路失龍沙西  
桐酒中人軟似泥  
馬上毳衣歌刺刺  
往還都是射鵰兒

馬上黃鬚惡酒徒  
搭肩把手笑相扶  
見人強作漢家語  
哄著邨童唱塞歌

野蠶作繭絲玉玉  
乳雞浴沙聲谷谷  
駱駝娘子多醉人

羶帳雪寒留客宿

下一首云胡姬二八貌如花留宿不問東西家醉來拍手趁人舞口中台

唱阿

刺刺

雖說灤京是帝鄉三時閒靜一時忙  
駕來滿眼吹花柳  
駕起連天降雪霜

親王捧寶送回京  
五色祥雲托日明  
錫宴大開興聖殿  
盡呼萬歲賀中興

雪夜寄史左丞

白雪相將一丈深  
碧油窗合夜沈沈  
党家更有人如玉  
猶道春寒入繡衾

題夏圭孤舟風雨圖

此船載得許多愁使我尊前感舊遊惆悵揚州十年夢  
滿江風兩泊瓜州

船過臨平湖

船過臨平欲住難藕花紅白水雲間只因一霎溟濛雨  
不得分明看好山

詠何立事

宋押衙官何立秦太師差往東南第一  
峯恍惚引至陰司見太師對岳飛事令

歸告夫人東窗事犯矣復命後即拜官  
學道蛻骨今在蘇州玄妙觀為蓑衣仙

舊作衙官身姓何陰司歸後記仙魔視身已是閒軀殼

一領蓑衣也是多

荔枝畫為福建僉憲張惟遠題

濟南人

茜羅輕裏玉肌寒  
吹盡南風露未乾  
一寸丹心無與寄  
為憑圖畫入長安

翦花士女

咫尺芳叢豔色深  
蜂情蝶思兩難禁  
看來莫用閒惆悵  
翦下春風一寸心

劉曜卿畫折花宮女

金史卷之八  
卷五十七  
柳風草露欲沾衣  
又是宮中上直時  
好把桃花都折盡  
免教吹作落紅飛

湖中即事

湖柳湖波盡可憐  
不知春在阿誰邊  
滿頭翡翠雙鬟女  
細雨吳歌濕畫船

臨安訪古

錄八

石鏡

臨安山中古石鏡  
曾照錢王冕服來  
天遣紫苔封裏後



等閒不許別人開

婆留井

錢王初生時將棄井中婆奪留之故乳名婆留既貴以鏐代留字

舊日婆留井未堙石闌苔蘚上龍鱗而今率土皆臣妾  
莫願皇天產異人

功臣塢

峯頭石塢表功臣五百年前是佛身莫問蓬萊水清淺  
野藤猶蔓劫餘春

錦溪

錢王功業與天齊  
百里旌旗照此溪  
從此波中鋪錦後  
至今光景淨無泥

衣錦山

今縣治主山是王故居即九龍堂

還鄉滿山都覆錦  
富貴應須白晝歸  
設宴九龍堂上日  
沛中歌後似王稀

將軍樹

王平時率羣隊狂戲此樹下還鄉以錦幪之號錦樹將軍

將軍官重執金吾  
不比秦朝列大夫  
王為錦衣歸故里  
遂令老樹有稱呼

環翠閣

謝安遊處  
今為寺

東山尚存環翠閣  
謝傅來遊經幾年  
可是舊曾攜妓到  
粉香猶在畫闌邊

淨土寺

東坡作杭州行部  
過於潛回至此

祥符額賜海會寺  
回首年來彈指過  
試問竹林橋下路  
往還曾見幾東坡

求仙詞

漢皇承露鑄金莖  
別道雲間有玉京  
萬乘旌旗不隨去

此身何用獨長生

春日

一陣春風一陣寒  
芭蕉長過石闌干  
只銷幾箇鶯鶯醉

看得春光到牡丹

光弼初居楊左丞幕下頗有功業之思及張氏擅權光弼憤焉其詩云云

益刺淮張用事諸人也

題青山白雲

一箇茅廬何處小  
橋古木溪灣但見山  
青雲白不知天

上人間

擬古秋夜長

雲中鴻鴈過門前  
朔風起梧桐葉落金井頭  
月照烏啼天似水  
誰家機上織迴文  
夜聽啼鳥如不聞  
明朝為遣安南使  
細意緘題持贈君

暑中招客

江山猶故國  
風月自閒人  
老至謀生拙  
時更盛化新  
花疑春似夢  
酒與道為隣  
柱史猶何者  
何嫌有此身

送天使僧

釋子承天語儒臣撰寺碑萬間靈谷見一切布金為寶  
界山河大璇題雨露垂丹青人所仰壯麗古

闕

鈔幣

勤中賜恩榮拜曲施文章尊典誥億兆頌皇基  
鸞舉迴筆光華鳳吐辭繡幢天上遣金錫日邊移  
赫赫瞻行邁遙遙賦載馳在公無候謁於禮有嫌疑  
道路承傾蓋言辭見誦詩斯須知久要造次亦委蛇  
宗廟觀壘洗雲霄式羽儀乃知修白業動輒守清規  
空谷行春律餘生共聖時頂祈摩佛手目願睹堯眉  
慶讚諸天會觀光夙

世期叩頭雲陞遠舞袖草堂卑枝繞貪生鵲池支服氣  
龜睽違難折柳嚮仰只傾葵復命蒼龍闕覃恩白玉墀  
握蘭前席對侍草近臣知仙樂傳宮扇天花散殿帷一  
人膺大慶萬宇受赫禧立雪時將至拈花事未遲有緣  
皆弟子無念不慈悲軟語敷甘露清齋却紫芝頻煩尊  
者問慚媿老夫衰在德寧忘報惟心不可欺朝宗江漢  
水日夜注懷思

投贈潞國公承旨學士張仲舉

漢家舊德有桓榮赤舄登朝羽翼成三晉鳳鳴千載會  
兩河龍現五雲迎獨於社稷多艱日復使君臣大義明  
自念昔曾親几杖頌聲慚後魯諸生

五府驛代楊左丞留題

免胄日趨丞相府解鞍夜宿五侯家玉杯行酒聽春雨

銀燭照人如

一作天生

晚霞受命敢忘

一作世亂且從

軍旅事撫時

又過掖垣花

一作功成須插御筵花

漢家

一作王

未可輕韓信尚要

生擒李左車



西湖遊覽志又載一詩云西樓柳風吹晚香石榴裙  
映黃金觴纖歌不斷白日速微雨欲度行雲涼笑看  
席上賦鸚鵡醉聽門前嘶驢驕早晚平吳王  
事畢羽書飛捷入朝堂此詩今不見本集

### 岳鄂王墳上作

朔雪炎風共此年中原父老亦堪憐  
豎儒屢遣祈求使大將空持殺罰權  
忠誼有碑書大節奸邪無面見重泉  
至今宰木猶南拱遺憾西陵是墓田

### 陪宴相府得芍藥花有感賦

醉吐車茵媿不才馬前蝴蝶趁花回  
玉瓶盛露露扶春起

錦帳圍燈照夜開  
垂白敢思漆洧贈  
敲紅還是廟廊栽  
揚州何遜空才思  
惟對高寒咏閣梅

退居湖上投贈楊左丞二首

樓外湖光白渺茫  
樓中少婦試新妝  
行年將近半百歲  
大醉豈能千萬場  
織錦繡裙一作翠飛蛺蝶  
白描歌扇

睡鴛鴦垂楊滿院  
無人到芍藥花開  
日正長

且觀神女為行雨  
莫問郎官應列星  
芳草到門無俗駕  
好山終日在湖亭  
白鷗共戲荷葉小  
黃鳥亂啼楊柳青

肯信曲闌干外立晚涼吹得酒初醒

一作都醒

光弼至正時為行省左右司員外郎卜宅於壽安坊  
今之花市是也罷官後自號一笑居士時居室已弊  
友人凌彦耕募緣以輯之疏云昌黎寄玉川子首稱  
洛城破屋之數間東坡題綠筠軒終比揚州纏腰之  
十萬一笑居士詩名優於張籍生計劣於陶潛囊無  
一錢之留家徒四壁之立若非慷慨而多助安得輪  
奐之一新即欲取杜工部草堂資何時可辦儻算得  
楊關西槐市壑今歲無憂但不至于虛拘便可謂之  
實惠此崢嶸事在特達心疏傳交遊  
皆助之其居始就當時傳為盛事

戊戌題海上海上作

華表仙人舊姓丁羽毛今日惜飄零海中又見蓬萊淺



門外空傳楊柳青，莫雨朝雲翻覆手。  
落花飛絮短長亭，如何未熟黃梁飯。  
說道英雄夢已醒。

惆悵五首

三山夢斷綵雲空，幾把長牋賦惱公。  
畫閣小杯鸚鵡綠，玉盤纖手荔枝紅。  
春衫汗浥薔薇露，夜帳香回茉莉風。  
惆悵近來江海上，却將鞍馬學從戎。

畫船湖上載春行，日日花香扇底生。  
蘇小樓前看洗馬，水仙祠畔坐聞鶯。  
碧桃紅杏渾相識，紫燕黃蜂俱有情。

惆悵繇華成逝水盡歸江海作潮聲

惆悵當年使酒來娼樓紅粉夜相催可憐明月三分在  
不見瓊花半朵開誰復醉翁堂下柳更堪從事閣中梅  
揚州一片青青草誰信春來無鴈回

惆悵雄藩海上遊武昌佳氣接神州東風歸思王孫草  
北渚愁生帝子洲楚國江山真可惜劉家豚犬亦何羞  
不須更問中原事官柳新栽過戟樓

至今惆悵在東城結伴看花取次行輦道駐車招飲妓

宮牆回馬聽流鶯  
星河織女從離別  
海水蓬萊見淺清  
不有酒船三萬斛  
此生懷抱望一作向誰傾

過楊忠愍公軍府留題

總是田家門下客  
誰於軍府若為情  
林花滿樹鶯都散  
雨水平池草自生  
街上相逢驚故吏  
馬前迎拜泣殘兵  
能言樓上題詩處  
猶有將軍舊姓名

睡覺

滿院楊花風力輕  
牡丹時節好清明  
簾垂不知白日晚

睡覺忽聞黃鳥鳴萬斛春光金盞酒百年心事玉人夢  
劉伶未到忘形處枉自閒將畚鍤行

湖舫勸曹德昭僉院酒

倩得名姬唱慢歌梁塵直欲下輕波西風八月芰荷老  
落日滿湖鳬鴈多到手莫辭雙盞飲轉頭又是一年過  
光陰只在槐柯上柰此浮生樂事何

別春次揚州成廷珪韻

燕語鶯啼盡可哀更無馬迹到青苔自從玉樹成歌後

曾見銅仙下淚來為晉為秦花幾度行雲行雨日千迴  
若教蝴蝶知春夢盡把黃金付酒杯

丞相委入姑蘇索各官俸米留別幕府諸公

不比常年載酒遊杏花時節出杭州粉闌未覺為郎貴  
萱草難忘此日憂沙漠帛書空見鴈江湖春水莫容鷗  
何須折盡垂楊柳留取他年繫別愁

光弼至姑蘇呈太尉一首云相君求未若求雨負外  
得船如得仙職忝下僚班可恥情通隣好亦堪憐山  
中棋局迷樵客溪上桃花誤釣船醉把玉杯無  
所記不勝惆悵晚春前可與前後二詩互看



辭荅張太尉見招

中年頓覺壯心去涉世頗知前事非  
若使范增能少用肯教劉表失相依  
風雲天上渾無定麟鳳人間不受羈  
殘夢已隨流水遠五湖春水一鷗飛

秋興

一夜涼風便覺秋楚人多感易生愁  
金盤露水何曾見紈扇恩情未肯休  
零落梧桐金井上稀疏楊柳御街頭  
近來收得麻姑信說道蓬萊更可憂

春閨詞

白日高堂欲莫難，鳴鳩乳燕靜相干。  
銀餅行酒雙鬟綠，玉管調笙十指寒。  
蝴蝶每因飛處見，牡丹多是折來看。  
明朝為遣安西使，錦字紅燈織夜闌。

湖上漫興二首

百鎰黃金一笑輕，少年買得是狂名。  
尊中酒釀湖波綠，

席上人歌

一作傳

鳳語清，蛺蝶畫羅宮樣扇，珊瑚小柱教

坊，箏南朝舊俗，憐輕薄，每到花時別有情。

湖上新泥雪漸融  
門前溝水暗相通  
裙欺萱草輕盈綠  
粉學櫻桃淺淡紅  
暮雨欲來銀燭上  
春寒猶在酒尊空  
青綾被薄不成夢  
又是一番花信風

繡毬花次烏延廉使韻

繡毬春晚欲生寒  
滿樹玲瓏雪未乾  
落過一作遍楊花渾

不覺飛來蝴蝶忽  
成團  
釵頭嬾戴應嫌重  
手裏閒拋却

好看天女夜涼乘  
月到羽輪一作車  
偷駐碧闌干

湖樓

樓前芳草碧盈盈付與幽禽自在鳴隄上馬馱紅粉過

湖中人載畫

一作酒

船行日長燕子語偏好風暖楊花體

又一作更

輕何限才情被花惱獨教書記得狂名

次林叔大都事韻四首

春來長是誤佳期鵲鳥雄鳩不可私錯認櫻桃懸蟠子  
悔將衫袖染鴛兒燒殘蠟燭渾成淚折斷蓮莖却是絲  
辜負綠窗閒歲月只教楊柳妬腰肢

何處銀鞍白鼻駒忘將錦瑟數年華渡頭水急憐桃葉

陌上春狂信柳花那得芳心對鸚鵡泣將殘淚付琵琶  
一身已自成惆悵況是平陽十萬家

莫謾題情在粉牆藕絲終日繫柔腸不知漢主黃金屋  
何似盧家白玉堂好夢自拋桃葉後閒愁似過柳條長  
無端收得番羅帕徹夜薔薇露花香

陳王當日賦凌波寫得風流也太多掌上玉鸞看教舞  
雲中青鳥使傳歌情絨尺素魚中字恨纖迴文錦上梭  
休信雙星是牛女年年波浪隔天河

昔遊

春到名園總是花  
都城無處不繇華  
冠翹鵲尾朱袍盛  
馬頓金羈玉面斜  
騎吏去忙官索酒  
侯門散晚妓留車  
党家賤妾粗豪慣  
輕易銀餅雪水茶

小王孫

貂帽貂裘美少年  
圓牌通籍內門前  
新分草地緣遊獵  
舊賜彤弓未控弦  
銀甕蒲萄春共載  
玉鞍驕馬日隨牽  
穹廬一夜迷深雪  
忘却朝天是醉眠

侍御周伯溫以行臺羈留姑蘇簡寄之

白頭歲月付流波何物虛名在諫坡屬國莫嫌持節久  
子陽猶謂見天多強梁不見圖銷印跋扈如聞欲倒戈  
一樹紅梨春事晚宣文閣下欲如何

得朱桓編修海道之音

命酒徵歌記往年玉堂遂有夢相牽魚絨尺素雖云密  
事載空言始可憐季世人材思管樂盛時戎馬說幽燕  
張騫慣識天河路俛仰乾坤一慨然

兩山亭留題

馬頭曾為使君回北望新亭道路開於越地形緣海盡  
勾吳山色過江來英雄有恨餘湖水天地忘懷入酒杯  
珍重謝家林下客玉山何待倩人推

三月三日湖上作

此日誰人肯在家傾城滿意事蘇華時非上已不為節  
春到牡丹纔是花霧鬢風一作髻雲鬟湖上女畫輪繡轂道  
傍車兒童盡唱銅鞮曲未覺人間日易斜



縱飲

外湖裏湖花正開  
風情滿意看花來  
白銀大甕貯名酒  
翠羽小車一作姬歌落梅  
身外功名真土苴  
古來賢聖盡塵埃  
韶光如此不一醉  
百歲好懷能幾回

感事二首

雨過湖樓作晚寒  
此心時暫酒邊寬  
杞人唯恐青天墜  
精衛難期碧海乾  
鴻鴈信從天上過  
山河影在月中看  
浴陽橋上聞鶯處  
誰識當時獨倚闌

老至翻遭世慮牽何曾一覺得安眠  
家鄉尚遠尋陽郡世事有如天  
寶年朝報唯瞻遼海上羽書不斷省門前  
長星正在天西北白水寒沙盡可憐

西湖漫興

玉局當年為寫真西施宜笑復宜顰  
朝雲暮雨空前夢桃葉柳枝如故人  
露電光陰千劫外魚龍波浪一番新

傷心最是林逋

一作通仙

宅半畝殘梅共晚春

集中又載西湖晚春一首

與此稍有不同其詩云憶昔東坡為寫真至今詩句在遊人朝雲猶是當時夢桃葉渾非舊日身鶯燕情懷千

語少魚龍波浪幾回新傷心詎  
問林逋宅零落殘梅共晚春

次韻處士和壩上人詩

每到爐頭憶嬾殘十年戎馬雪窗寒亂來亦謂功名易  
老去纔知世路難醉把茱萸應自感狂題鸚鵡欲誰看  
相逢白髮秋風裏可惜銀鐙照夜闌

明州倪師園觀猿

捷于風雨過喬枝乍鎖名園亦自疑幾萬里來都是恨  
第三聲後最堪悲月沈夜澗魂先去露滴春梢淚對垂

富貴豈能長汝役綠珠還有墮樓時

晚歸

左掖歸時日未斜小園檢點舊生涯  
染裙萱草纔抽綠破雪櫻桃又著花  
玉斚試斟官給酒銀煎重瀹貢餘茶  
西湖水色春來好說道風光似謝家

隣園海棠

自家池館久荒涼却過隣園看海棠  
日色未嫣紅錦被露華猶濕紫羅

一作絲

囊掌中飛燕還能舞夢裏朝雲自

有香銀燭莫辭深夜照幾多佳麗負春光

醉題

二月鶯聲最好聽風光終日在湖亭  
清宵酒壓楊花夢細雨鐙深孔雀屏  
情在綢繆歌白苧心同慷慨贈青萍  
方平自得麻姑信從此人間見客星

虎丘寺留題

莓苔欲遍盤陀石知是梁朝古道場  
陳迹謾驚成俛仰空門元不預興亡  
白漫天上俱兵氣赤伏池中是劍光

如會生公重說法勸教東海莫栽桑

感事

憶昔銀鐙鼓瑟琴屏開孔雀畫堂深  
頭顱謾有新添雪囊索都無舊賜金  
好夢未成春漏盡殘星猶在曉河沈  
郎君自上斑駝後露滿銅盤淚不禁

寄松江楊維禎儒司

畫蛇飲酒合誰先塵土東華四十年  
海上豈無詩可和雲間還有事相牽  
牡丹開後春無力燕子歸來事可憐

欲倩鐵龍吹一曲滿湖風浪又迴船

碧筩飲次胡丞韻

小刺攢攢綠滿莖看揎羅袖護輕盈分司御史心先醉  
多病相如渴又生銀浦流雲雖有態銅盤清露寂無聲  
當年欲博千金笑故作風荷帶雨傾

送丁道士還灋陵

丁令還家骨已仙更無城郭有山川未添白髮三千丈  
又見銅駝五百年荒草茫茫連故國孤雲冉冉下寥天

澧蘭歌送潺湲水極望涔陽思惘然

贈沈生還江州

鄉心正爾怯高樓  
況復樓中賦遠遊  
客裏登臨俱是感  
人間送別不宜秋  
風前落葉隨車滿  
日下浮雲共水流  
知汝琵琶亭畔去  
白頭司馬憶江州

贈寓客還瓜州

把酒臨風聽櫂聲  
河邊官柳綠相迎  
幾潮路到瓜州渡  
隔岸山連鐵甕城  
月色夜留江叟笛  
花枝春覆寺

一作市



樓等贈行不用歌楊柳此日還家足太平

無題

灼灼庭花露未收樂然雙燕語綢繆新妝滿面猶看鏡  
殘夢關心嬾下樓春到自憐人似玉困來誰問酒扶頭  
狂蹤已作風絲斷敢怨流年似水流

長安鎮市次趙文伯韻

淹遍衣衫酒未乾何如李白醉長安牡丹庭院溥新露  
燕子簾櫳過薄寒春晚絕無情可託日長惟有睡相干

舊題猶在輕羅扇小字斜行不厭看

寄羅博士

莫說文星與酒星已同傖父泣新亭夢中此日頭能白  
海內何人眼更青鵲化羽毛猶姓杜鶴歸華表尚名丁  
縱然記得前朝事彈向銀箏只自聽

無題二首

幾夢郎君引碧幢微波難與寄沅江青春每念青絲騎  
白日長閒白玉窗菡萏結房雖有異鴛鴦織錦不成雙

潮來好是兒家恨流過門前氣未降

咫尺香閨步嬾移搔頭誰理玉蟠螭不聽小管吹銀字  
只數迴文織錦詩得伴有時惟鬪草遣懷無日不彈棋  
鳴鳩乳燕青春晚謝却繡花幾萬枝

### 金山寺

六鼇捧出法王宮樓閣居然積浪中門外鷗眠春水碧  
堂前僧散夕陽紅揚州城郭高低樹瓜步帆檣上下風  
人世幾回江上夢不堪垂老送飛鴻

飲吳令家

膠漆相投古亦難  
酒間何事慘無歡  
苦愁海底量深淺  
痛哭鐙前出肺肝  
白首既辭當世事  
朱絃何必向人彈  
醉來渴甚思吞海  
無復天家小鳳團

演法師惠紙帳

銀鐙夜照白紛紛  
四面光搖白縠文  
隔枕不聞巫峽雨  
繞牀惟走剡溪風  
和柳絮何因到月  
與梅花竟不一作  
莫分塞北江南風  
景別却思羶帳舊從軍

寄東山寺長老宅區中索畫梅

同是多生無垢身孤芳歲晏轉精神  
濡毫應覺香先到  
寫影無如月最真  
庾嶺近來還有信  
華光以後更何人  
情知此事難描畫  
驛使空回可不嗔

中秋望月

甲辰年賦

月裏分明見九州  
浮雲西北是瑤樓  
歌鐘未厭今宵酒  
砧杵那禁此夜愁  
若使有情須痛哭  
不知何物是風流  
霓裳不向當時罷  
戎馬中原未肯休

姑蘇懷古

十里河隄蹋暖塵老懷忽憶故鄉春  
泥金孔雀裁歌扇刻玉麒麟壓舞裯  
翠袖錦尊邀上客畫船銀燭照歸人  
而今白髮東風裏疑是前身與後身

元詩選初集卷五十七